

ქალაქ ფოთის მუნიციპალიტეტის 2024-2027 წლების პრიორიტეტების დოკუმენტის
მომზადების მიზნით შექმნილი სამუშაო ჯგუფის სხდომის

ოქმი

ქალაქი ფოთი

15 აგვისტო 2023 წელი

სხდომას ესწრებოდნენ: მერი ბექა ვაჭარაძე, მერის პირველი მოადგილე დავით კვიციანი, მერის მოადგილეები მამუკა პაპასკირი და ლექსო თოდუა, ქალაქ ფოთის მუნიციპალიტეტის პრიორიტეტების დოკუმენტის მოსამზადებელი სამუშაო ჯგუფის წევრები.

დღის წესრიგი:

- ქალაქ ფოთის მუნიციპალიტეტის 2024-2027 წლების პრიორიტეტების დოკუმენტის პირველადი ვარიანტის სამუშაო ჯგუფისთვის წარდგენა, რომელიც შედგენილ იქნა მუნიციპალიტეტის მერის სტრუქტურული ერთეულების და საბიუჯეტო ორგანიზაციებიდან წარმოდგენილი ინფორმაციის საფუძველზე.
- 2024 წლის ბიუჯეტის პროექტის ფორმირების მიზნით, საბიუჯეტო ასიგნებისა და დასაქმებულთა რიცხოვნობის საორიენტაციო ზღვრული მოცულობების განსაზღვრა.

მომხსენებელი: ქალაქ ფოთის მუნიციპალიტეტის მერის საფინანსო-საბიუჯეტო და შესყიდვების სამსახურის უფროსის მ/შ ზაზა ზარანდია

სამუშაო ჯგუფმა მოისმინა ქალაქ ფოთის მუნიციპალიტეტის მერის საფინანსო - საბიუჯეტო და შესყიდვების სამსახურის უფროსის ზაზა ზარანდიას მოხსენება დღის წესრიგით გათვალისწინებულ საკითხებთან დაკავშირებით. მან სამუშაო ჯგუფს მოკლედ წარუდგინა ზოგადი ინფორმაცია მუნიციპალიტეტის 2024-2027 წლების პრიორიტეტის დოკუმენტის წინასწარი ვარიანტის შესახებ, რომელიც დაიგეგმა მხოლოდ საკუთარი შემოსავლების გათვალისწინებით (სპეციალური და კაპიტალური ტრანსფერების გარეშე) და 15 ივლისისთვის ფინანსთა სამინისტროდან მიღებული ძირითადი საბიუჯეტო პარამეტრების და მაკროეკონომიკური პარამეტრების გათვალისწინებით.

2024-2027 წლების დასაფინანსებელ ძირითად პრიორიტეტებზე რესურსები გადანაწილდა შემდეგნაირად:

- მმართველობა და საერთო დანიშნულების ხარჯები - 8 435,6 ათასი ლარი;
- ინფრასტრუქტურის განვითარება - 6 649,1 ათასი ლარი;
- დასუფთავება და გარემოს დაცვა - 3 317,5 ათასი ლარი;
- განათლება - 3 800,0 ათასი ლარი;
- კულტურა, ახალგაზრდობა და სპორტი - 5 703,7 ათასი ლარი;

✚ ჯანმრთელობის დაცვა და სოციალური უზრუნველყოფა - 4 468,1 ათასი ლარი.

მანვე აღნიშნა, რომ მიმდინარე წლის არაუგვიანეს 5 ოქტომბერს საქართველოს ფინანსთა სამინისტრო წერილობით გვაცნობებს ინფორმაციას 2024 წლისათვის სახელმწიფო ბიუჯეტის პროექტით შესაბამისი მუნიციპალიტეტისათვის გადასაცემი ფინანსური დახმარებისა და გადასახადებიდან მისაღები შემოსავლების საპროგნოზო მაჩვენებლებს, რომლის საფუძველზე დაზუსტდება პრიორიტეტის მოცულობა.

მომხსენებელმა სამუშაო ჯგუფს გააცნო საბიუჯეტო ორგანიზაციების მიერ წარმოდგენილი პროგრამის/ქვეპროგრამის შესახებ ინფორმაცია, ბრძანების მე-3 და მე-4 დანართების შაბლონის შესაბამისად. მომავალ წლებში, პრიორიტეტული სფერო ინფრასტრუქტურის მოწესრიგებაა. ასევე, პრიორიტეტს სოციალური სფერო წარმოადგენს. მიზანშეწონილად თვლიან ახალი გამწვანების ზონების შექმნას, ეზოების კეთილმოწყობას, ტურიზმის განვითარებას, წყალგადამქაჩი სატუმბოების გამართულ ფუნქციონირებას.

აზრი გამოთქვეს: ქალაქის მერმა ბექა ვაჭარაძემ, მერის პირველმა მოადგილემ დავით კვიციანმა, მერის მოადგილეებმა მამუკა პაპასკირმა, ლექსო თოდუამ და ჯგუფის წევრებმა ქალაქში განსახორციელებულ პროგრამებთან დაკავშირებით. გამოიკვეთა ის პრიორიტეტული სფეროები, რომლებშიც ადგილობრივმა თვითმმართველობამ მომავალში უნდა გააუმჯობესოს მომსახურების მიწოდება.

სხდომა შეაჯამა: ქალაქ ფოთის მუნიციპალიტეტის მერმა ბექა ვაჭარაძემ, რომელმაც კონკრეტული მოსაზრება გააცნო სამუშაო ჯგუფს მშენებლობის, ინფრასტრუქტურისა და კეთილმოწყობის კუთხით განსახორციელებელი სამუშაოების, ჩასატარებელი ახალგაზრდულ, სპორტულ და კულტურულ ღონისძიებების და განსახორციელებელი სოციალურ და ჯანდაცვის პროგრამების შესახებ.

ქალაქ ფოთის მუნიციპალიტეტის მერის, მერის მოადგილეების, სამუშაო ჯგუფის წევრების მიერ გამოთქმული შენიშვნების, წინადადებების, მოსაზრებების გათვალისწინებით

დაადგინეს:

მოწონებულ იქნას ქალაქ ფოთის მუნიციპალიტეტის 2024-2027 წლების პრიორიტეტების პირველადი დოკუმენტი.

ქალაქ ფოთის მუნიციპალიტეტის მერის შენიშვნებისა და შეფასების საფუძველზე, სამუშაო ჯგუფის წევრებზე გაიცა შემდეგი დავალებები:

1. 2023 წლის 1 სექტემბრამდე ქალაქ ფოთის მუნიციპალიტეტის მერიის საფინანსო-საბიუჯეტო და შესყიდვების სამსახურმა, წარმოადგინოს მერის ბრძანების პროექტი „ქალაქ ფოთის მუნიციპალიტეტის 2024-2027 წლების საშუალოვადიანი სამოქმედო გეგმის დამტკიცების თაობაზე“.

2. 2023 წლის 1 ნოემბრამდე ქალაქ ფოთის მუნიციპალიტეტის მერიის საფინანსო-საბიუჯეტო და შესყიდვების სამსახურმა, წარმოადგინოს ქალაქ ფოთის მუნიციპალიტეტის 2024 წლის

ბიუჯეტის პროექტი, პრიორიტეტის დოკუმენტაციან ერთად, საქართველოს ფინანსთა სამინისტროდან 2023 წლის 5 ოქტომბერს მიღებული საპროგნოზო მაჩვენებლების გათვალისწინებით.

3. სამუშაო ჯგუფმა უზრუნველყოს ქალაქ ფოთის მუნიციპალიტეტის 2024-2027 წლების პრიორიტეტების დოკუმენტის მოსამზადებელი საბიუჯეტო კალენდრით გათვალისწინებული ღონისძიებების შესრულების ვადების დაცვა.
4. სამუშაო ჯგუფის მომდევნო შეკრება დაიგეგმოს 2023 წლის 1 ნოემბერს.

ქალაქ ფოთის მუნიციპალიტეტის მერი



ბექა ვაჭარაძე